



詩集卷之四

維揚崔桐撰

五言律詩一百一十三首

簡問蔣敬所翁

山斗三台老煙霞八桂城辭榮遂初服素業尚書生
竹塢還開徑蓮峰定結盟相聞不相見悵望若爲情
雪夜聞石熊峰閣老計

桂石悲遺老俄成變古今蓬瀛清望在高里白雲深
海嶽收英氣冰霜感歲陰九原那可作翹首幾沾襟
過楊內翰故宅

匹馬城陰曲清才憶子雲滇山萬里隔漢署十年群
載酒何人問虛亭落木聞遲遲不忍去回首澹斜曛

卧病別劉子

不識荊州面於今是故知枕衾違病日天地別君時
月冷烏啼急雲長馬去遲離筵何滿眼悽惻重吾私
胡原學南改迎養

親遠懸南極官輕去上合梁州雲萬里游子路重來
祇擬春暉報非關畫錦開綺筵歌舞罷笑指鳳凰臺
張司寇初恩志感卷

過庭違令子曳履重尚書驛使煩牢醴天家爲起居
祇緣露命再翻憶得恩初何以供瓊報舉謨願展舒
書杜隱翁屋壁次唐守之韻

門對歌樵徑舟橫帶月溪風鳴花出犬日下樹栖鷄
開卷從諸子分醅問老妻偶添詩意緒多向竹間題
別劉載道

十年淮海客忽作故山歸歲晚悲長缺天空度少微
清風遙鶴唳白石舊漁磯瓊樹懷君切何時慰渴饑
西邊報捷

海角春仍在旄頭氣不驕王門迴獫狁金印拜嫖姚
廟筭時西顧天兵豈內銷黃雲秋漸老好爲備臨洮

同楊弘山曹漫山游姚園

市遠芳園淨亭虛曲水通能文共曹植識字更楊雄
笑入煙霞裏移尊竹樹東詠歸春十里斜日在西峯

哭姚海山

萬里青雲器連城白壁姿廟廊名日重衡鑑道無私
世路幽冥隔官清故舊知秋風歸旅櫬悽惻重吾思

同章樸庵司空遊武當山共十五首

入僊關至紫霄宮二首

四山圍合杳巖翠敞天關龍磴九九上鰲峰滾滾攀
深披碧樹杪忽到紫霄開五月全無暑僊風有靜閒

此中直福地不與衆宮羣杉宿光連斗峰旗翠掣雲

鳳迴金鎖路龍吐玉泉紋未盡登臨興徘徊問少君

山有七星杉長旗峯

紫霄宮道中

山行失炎暑風磴髮蕭蕭鴉觀丹崖覆梅祠碧氣飄
問僊知古跡採藥識新苗不斷松杉路陰陰轉石橋

朗梅祠
烏鴉觀

雨宿朝天宮山房

風樹蛟龍鬪天宮雲雨垂層陰吹不散午景寒仍
榻借神僊窟簷依鶴鶴枝愁迷歸去路消息問南箕

雨後夜坐南岩山臺

雨霽清宵坐更長
月轉橋涼生松濕
灑光滿壑烟銷
峯擁天樞隔樓虛
地軸搖忽聞笙鶴
度冉冉列僊朝

五龍宮道中

寒壑竒松擁呼人
恠鳥翔廟岩題黑
虎石澗轉青羊
響苔聞樵語香飄
迓羽裳停輿問前
路山夾紫雲長

黑虎廟
青羊澗

登五龍山

盤旋千仞路此地
亦爲尊日天澗長
晦雲低山欲吞
冥搜隨鳥道小憇
借松根愛啜僊源
水還尋玉女盆

誦經臺山房

倦子翻經處幽厓
住有人徑泥深虎
跡松瓦蓋龍鱗
石座留賓古茶蔬
剪藥新問渠誰是
侶惟與白雲親
贈樸庵尚書

偶陪僊侶去七十二
峯遙閣道攀天壁
池泉吸斗杓
徘徊丹竈窟唱和
紫芝謠已悟長生
術朱顏定不凋
赴玉虛山行

着處瑤宮敞隨山
羽客栖雲根百里
路木杪萬重梯
人語鳴虛壑鷄聲
隔遠谿桃源知不
遠欲徃路仍迷

至玉虛宮

已出桃源徑迴鑿更玉虛地宏疑月窟氣肅象天居
龜負蓬巔石龍纏殿額書靈官五百輩吹笛下雲裾

張僊留衣亭

僊去留亭榭松杉純徑長鳳輿何處所蟬蛻尚未棠
餘澤涵金笥清氛凝桂梁時應星斗夜飛動彩霞光
再至玉虛訪樸庵同登會僊樓

避暑入雲去言登僊子樓山遮半林日風灑萬松秋
俯瞰深層殿雄談到十洲迴輿下瑤磴看水更淹留
聞清微宮之勝道側不能至

傳聞天柱下幽勝更清微峯合天長隔谿寒雲不飛
花岩懸乳石竹塢對瓊扉未有凌風翼空成悵望歸
聞玉虛岩之勝道僻不暇至

宮殿藏巖裏陰陰千尺深祗容雲霧入不受雨暘侵
樹影涵金鎖鍾聲帶碧潄漸非謝公興雙屐倦登臨
京山喜雨

歲歲天慳雨村村田稿禾蒼生半溝壑赤地是江河
甘澍頻今夏荒墟更舊歌帝心誰感格無乃 聖功
多

雲起沉荆樹山霾隔楚天蛟龍竟日鬪江漢百川連
喜動觀風使恩霑望雨田寧蒼本仁愛從此卜豐年

京山觀音崖次毛東塘韻二首

古道懸崖下真便駐使旌名賢多勝賞此地豈虛生
細草亭陰色靈泉樹杪聲行吟對晴旭聊得旅愁輕
各慣尋寺登臨石磴長岩姿含雨濕佛頂壓泉涼
雙樹搖潭影諸天散寶香因思白社會愁寂遠公堂

燈夕夜行有懷

今夜郢城月寒光較倍新未緣憐火樹應故照離人
瑟管隨歌扇香衢散綺塵兒童不愁思喧處漏聲瀕
同張嵩少衝雨至鄖陽二首

共子鄖襄路千山風雨斜江流吞鳥道沙磴沒龍駒

雀巢空吟鶴張鷟亦失槎黃昏憇公署相對即吾家
十日鄖山路真成行路難江天一氣合輿馬萬雲攢
滑磴防顛躓長塗絕羽翰相看一險度各喜報平安
督學南行辰溪道中會李臺南夜酌

孤棹雙崖路清江十月波山容明錦樹潭影卧寒壑
野泊風烟暮深壘故舊過天涯得李白亭伯意如何
辰溪道中述所見

素崖如玉裂奇石岸玲瓏磯險波翻雪江虛樹自風
盤渦雙棹急迴浦斷洲通萬里初來客貪看盡日中
同文沃焦儲谷泉遊習池回觀顯佛寺

故宅群峯在荒池九曲平。偶陪驄馬客，轉動爽鳩情。
煙色飛花徑，鐘聲落日城。使君如不醉，山水笑經行。
紆蹊樓轉磴，竒像佛呈身。地氣天地外，煙光洞草春。
巖籠碁石冷，江引竹泉新。編識襄陽勝，無如此蘊真。

留別王夢澤書扇

赤壁迴孤棹，黃城別曉雲。情懸夢澤子，昔是鳳池羣。
宋玉仍儒雅，周南滯典墳。今宵楊柳月，江笛不堪聞。

鄖陽道中

鄖陽一日道，步步上丹梯。石擁江流細，雲深驛路迷。
人家栽壑小，征馬近天嘶。似畏初來客，西峯日易低。

謫浙月夜偕泉川子登吳山觀湖

月下携僊侶，空湖夜更幽。風聞平十里，烟散影孤洲。
龍抱珠眠穩，舟行鏡未休。真堪洗煩想，相對一清謳。

偕陸儼山蔣東曉遊玉泉寺觀魚

天青雙沼淨，魚戲若行空。客到群初散，僧呼隊復同。
錦文清淺底，玉尺往來中。只恐多年臘，風雷盡作龍。
偕陸儼山陸體齋登飛來峯絕頂各坐石望

湖

遙敞開蓬頂，虛無見遠湖。天連六櫓淨，波浸一峯孤。
小坐分蒼石，高枝挂玉壺。此游真絕勝，未數輞川圖。

淨慈寺

淨慈僧百歲南宋事能傳峻閣青松上澄江白社邊
林開容鶴徑門近打魚船對此忘機事披襟抱月還

紅梅

愛女清仍麗何誇桃李姿占春初動處留艷半開時
香曳含風蕊光搖帶雨枝誰嘲玄尚白索笑未嫌遲

調辰沅過九江高良山

雲磴盤空曲風藤拂面垂停車休倦僕落石起驚麋
岩仄常留雪行遲况暮曦逢僧竹下寺愧爾笑奔馳
瑞昌亭子山觀東坡所書眉山蘇軾過此六

字

俊逸眉山老名何到此題才高天不愛身遠路多迷
亂石寒煙裏啼猿苦竹西傷心滿斜日欲去意遲遲
沅州會陳西愚憲學

不見元龍久思君夢寐繁風雲赴滇海蘭芷過湘沅
盃酒寒温語山城鼓角喧明朝又云別翹首使君輟
湘南遇故人

道路忽相見徘徊碧水傍班荆暫尊酒行李一書囊
古驛江梅落前村沅芷芳茲行各努力道屈轉輝光
九日同羣青石中丞飲武昌江樓

南樓高百尺。江霧滿衣裳。城壓蛟龍窟。天虛烏鵲梁。
興憐青石老。醉共白衣觴。長嘯頻回首。千峯雲路長。

陳侍御邦敷遇予於辰陽

城雨征袍濕。山雲去路盤。扣關餘諫草。過楚握幽蘭。
未擬登樓卧。聊成下榻歡。賜環應早晚。公論在朝

端

遷太僕滁州悠然亭坐秋月

悠然亭上月。此夜燭毫芒。影落芙蓉院。涼生荷芰塘。
吟盃臨皓魄。書幌得餘光。却憶關山冷。愁添思婦長。

九日菊未開

菊已重陽節。花猶此日稀。蛩愁仍自語。蝶懶不成飛。
籬下風枝嫩。尊前露蕊微。何時開爛熳。頻賞未應違。

吳園送菊

季子仍佳興。秋深菊圃開。細分隣許假。未惜手曾栽。
涼意霜猶戀。清香蝶起來。相看吟不盡。酬女秬深盃。

月夕有懷

關山寒月滿。河漢澹平流。苦益城笳夕。悲添隣笛秋。
客情惟倚檻。鄉望倦登樓。遙憶吹簫處。清光亦未收。

滁州亭池秋意

秋苑成蕭瑟。登臨首重搔。霜飛驚柳散。水落覺荷高。

煖憶滁翁酒涼生楚客袍有官仍旅死覓紙強揮毫
環山亭餞田守遷貴臬

言別青雲客開尊翠竹園漢庭遙授鉞滁老盡攀轅
蘭芷過三楚風烟到八番養龍池水在白日看飛翻
滁陽除夕思二親

遊子長爲客關河祇見雲雙親千里隔一夜兩年分
世故風塵路鄉心魚鳥群何年製初服栢酒共歡欣
慶賀北上飲陳梧岡清江公署二首

憶昔曾過地重來共此遙蟬聲碧樹盡烟色翠篁天
崔顥才真媿陳蕃榻下懸還期中夜月醉傍曲欄前
軒敞簾櫳靜園幽泉石寒池邊引魚釣墻外借山看
愛接同鄉語渾忘行路難應迴九月棹還對菊花團
飲凌劍山別業

卜築近村墟陰陰水竹居亂雲深戶牖垂柳靜庭除
客醉鷗邊席門喧月下車看君有幽意滄海一舟虛
已亥服方闋又七月三日颶潮丈餘海門以
東人產盪盡悲感六首

今歲東隅阨傷心北海翻萬民葬魚腹百里化龍門
洒血悲親友無家問子孫寄言當路老早爲扣宸闈
盡日蛟龍鬪俄時天地混文濤從北漲萬戶總南奔

赤子隨魚驚紅流失市村有生知亦死何計覓饕餮

北海水夜
觀如火

晝吼如雷雨旋翻過屋濤兒沉父莫救夫失婦空號
梁棟浮輕葦牛羊傍九皋哀哀殘喘者誰爲贈梯袍
薄命嗟羣鬼求生盡失謀幾人能抱樹無數任隨流
形改何從辨骸沉誰爲收豈如殲戰伐青史亦名留
潮田無綠野禾稿盡黃雲夜哭喧新鬼孤行寂故群
耒鋤農失業鷄犬野無聞皓首時東望沾巾對落曛
禮讓平生老儀容何處尋乾坤是棺槨沙礫改衣衾
忽漫傳猶在驚疑望好音有魂招不返南望涕淫淫

水災後北上鍾令仇簿餞別新砦亭

鍾繇新視篆賢佐亦仇香惜別霑芳讌深情繫故鄉
樹雲瞻渭北桃雨憶河陽近日多民瘼勞君重感傷

通州諸大夫餞別憲院有感

清秋開豸閣華讌對狼峯栢雨收殘暑臺霜起暮鍾
問災愁轉劇把酒意仍慵撫字湏賢守封章達九重

夜至如皋黎令邀飲憲院時詹何二廣文在

坐

花縣深秋讌芹宮二妙同鳥聲臺月裏鳳曲渚雲東

時事悲翻海浮踪愧轉蓬話遲頻剪燭未惜玉壺空
飲林東城吏部宅

庭小容旋馬廬幽暫卧龍好賢歌杜杖談劍拂芙蓉
城近垂雲細盃遲墮日紅高人不忍別悵望暮江峯

吳踈山侍御邀予偕林東城飲泰州城樓是

日風雨甚惡

臺迥朱樓敞筵高繡幕張炎蒸送雲雨爽氣洒衣裳
柱史停驄馬仙郎挹署香凭欄俯寥廓秋色澹河梁
維揚劉守曹節推邀飲李園

亭敞園深竹筵幽近淺流疏才愧崔蔡時望得曹劉

鶴徑朱欄靜風庭玉樹秋雄談不覺暮歸路野雲稠
江都張令纓邀飲葛園

路出栽桃縣欣同藉草綠笑騎山簡馬聊燕葛強園
徑曲深紅葉亭虛透碧源酒闌沉野日歌罷綵雲懸
遷祭酒午日同王前峰太學齋居二首

豐樹遺炎暑宮墻蕭暮陰雨聲傳碧瓦虹彩抱青衿
端坐欣聯玉高談聽擲金更聞不知倦燈火北堂深
霽月澄虛院凝雲寂廣堂蘭湯浴芳節麥候納新涼
晤語仙寮並開情錦瑟張翻思十年事悽惻意何長
蘇助教文母表貞圖

結髮期偕老傷心恨未亡
松姿厲霜節桂子種天香
宇宙還元氣門閭借耿光
士林有歌頌合付史官藏

送孫三渠之新會

邂逅憐鄉彥分携重此行
風烟萬里路海嶽五羊城
遠意同梅尉憂時獨賈生
明年報嘉政早達嶺南情

哭崔后渠先生

俊逸崔宗伯中州第一流
文章卑漢魏事業望伊周
世隔鷄年夢情懸鶴弔秋
音書時展玩涕淚不能收

庚子郊祀同王前峯齋居太學二首

昭代園丘祀新開周禮文
恢弘百聖典冬夏二儀分

宮案陪鄉月齋居卧朔雲
九重方靜默無乃 聖

心勤

大報千官肅清齋共此宵
壁雍寒泠泠銀漢津迢迢
燕坐爐熏鼻深更蠟炬銷
明朝駿奔走風戒受 神

堯

送唐世惠尹武寧

璧水辭文苑花封拜武寧
彈琴閒白晝飛履入青冥
報國新籌略承家舊尚銘
東南有民瘼佳績奏彤庭

送王樓江知樂清 汝襄

惜別東甌尹春辭此斗城
尋山非謝客翔屐亦王生

氣壯龍泉躍官廡鴈蕩清共君鄉約在傾耳聽賢聲

遷南禮曹舟次儀真會蔣南冷

故舊高軒過談詩此警留借君揚子水停我海翁舟
斷岸蒼烟渡長天白鴈秋徘徊日云暮別去幾搔頭

曉登朝天宮樓閣四首

窈窕仙宮曉天空星月微松中丹殿隱烟處碧山圍
燈火飛巢鶴樓臺下羽衣雙雙玉童子為啓北岩扉
峻閣層霄上虛標萬竹傍雲峰疑縹緲烟市認微茫
嵐氣寒浸坐晨光滲入堂東瀛浮赤日遠景對蒼蒼
樓閣朝曦滿山明宿霧開青龍橫出嶺紫嶺抱蓬萊

語窻中樹風含石上丕帝臺今遠近回首是三台

青龍山名

東麓登臨罷回瞻北極樓鐘聲四山曉雲氣萬家浮

王謝風流盡忠貞祠廟留宮即冶城有下忠貞墓徘徊望關塞

朔瘴未全收

署南雍至日齋居有懷王前峰二首

此日南郊祀遙瞻北斗城一王開典禮萬國薦榮盛
未遂明裡會空懷獻賦情徘徊臨壁水孤况向誰傾
穆穆宮牆古陰陰竹樹團餘清分簡帙空翠襲衣冠
生意隨陽長齋心得靜觀還思王逸少曾共此宵寒

署南雍燕坐東廂即事

六館休鳴鐸虛齋此暫留
庭閒幽鳥下山近曉煙稠
竹色圍丹閣松陰護碧流
喜無塵事擾圖史恣冥搜

鷄鳴寺四首

晚眺鷄鳴寺迢迢俯玉京
萬家煙樹色十廟鼓鐘鳴
蘿徑憑虛上公堂積翠生
壯遊曾此地陳迹更留情
豐閣丹霞上重門碧樹中
峰巔標寶塔墻外抱儒宮
龍象虛無見金銀色相空
天開盡一幅不與下方同
雲構宮如積岩栖屋似懸
俯窻疑欲墮踏磴去仍旋
勢帶金城壯清憐壁水連
此中真勝境何處覓神仙
宿鳥喧深竹寒烟暝暮臺
言歸路窈窕欲下意徘徊
月牖珠光動霜城玉漏催
登臨興不盡携榼擬重來

同張龍湖飲張陽峯宗伯水亭二首

晚燕開雲閣移尊更水亭
山霏侵坐濕林影上水青
氣象親卿月輝光動客星
淹留情不倦相對玉壺冰
雙栢臨池近幽篁抱檻紆
鳳聲風戛玉龍影月沉珠
麗藻張華合踈狂崔顥俱
會心逢羨景飛興入菰蒲
再用前韻答龍湖少宰四首

宗伯張冬宴群寮集暮亭
檜陰垂檻碧池影浸天青
舊好還今雨佳期亦聚星
對君雙白玉何啻瑩玄冰

入園穿窈窕看水俯繁紆洒翰頻裁錦高談碎落珠
喜逢明月夜興與野雲俱擬待春湖漲移舟傍渚蒲
愛客開東館留歡到小亭馮唐頭已白阮籍眼能青
絕唱吹春雪三朝達曙星相過酒百遍何避踏層水
澄塘憐激澗遠岫對盤紆風樹虛生籟霜簷細結珠
百年瀛客會二美錦筵俱回首驚時序春風入綠漪

哭溫托翁先生

憶昨違師席俄傳揜夜臺蠶叢萬里路鶴馭幾時迴
獻納匡時志文章軼世才相思淚不盡懷抱若爲開

春遊即事

春光遊淡蕩晝景坐氛氳蚊蝶穿蘿帶鴛鴦弄水紋
輕霏桑葉雨深入杏花雲小隊遊人醉香塵遠更聞

改北禮曹張石川邀登鏡光閣二首

春曉山樓敞清尊社友招鏡含湖影動鈴帶梵音飄
雙樹圍欄碧諸天護佛遙徘徊日云暮塵想覺全消
携榼入東林幽尋松檜陰明珠懸象色寶鑑照禪心
橋跨蓬丘近泉通太液深佳期不可負清眺一披襟

三月二日予誕辰

此日稱元巳吾生屬亥時忘情曲水燕長嘆蓼莪詩
拜舞兒孫喜劬勞父母知春陽滿庭草獨步意遲遲

七夕二首

織錦停仙杼新粧灑露花鸞飛開月鏡龍馭度香車
翠帳留歡暫銀河去路賒分明一水隔回首是天涯
天上雙星會人間七夕期橋成占鵲羽盤巧鬪蛛絲
豈有天孫怨空勞成婦悲殷勤獻瓜果涼意滿金卮
懷亡友江直爰

哲人今已矣身後獨聲名行古時賢重文竒俗眼驚
吳山千里夢漢署十年情獨夜懷君切霜秋冷玉繩
送唐信甫令新鄭

才俊雄全楚今成大隗遊雷封辭上國雲鳥入申州
黑綬諸侯貴蒼生萬姓憂功成報 天子廊廟看甄
收

贈鄧應韶尹蒼溪

楚人不識玉終爲世所珍羨君青霄鳧冥入蒼溪春
揚聲雲臺高刷羽天池新去去勿留滯巴西堪問津
蒼溪有雲
臺山天池

贈黃子南還

送君淮海去鳳軫入新涼憂國燕輪重歸塗楚望長
青山停別騎碧草澹斜陽奏最期它日高梧待鳳凰
夢馬西玄有感

同年三百輩知已獨憐君夢杳還梁月愁長慘樹雲
行推君實操才許子虛文吟罷頻搔首含情到夕曛

聞顧東江先生訃

宗伯吳中彥文章薄海間赤心扶社稷紫極會風雲
早憶江東繪真空冀北羣生離成死別慟哭向斜曛
排律一首

丙申元夕滁陽公讌胡支湖出菩提燈以娛

客海南有菩提樹相傳羅漢所植土人製
葉爲燈細如蟬翼予竒之爲賦二十韻

七祖岩前樹飛來萬葉芳傳燈成巧製借彩照迷方
裁剪應龍女呵噓豈鴈王天球圍混沌星象綴輝煌
本有輕逾款如無細入芒蜻蜒留羽翼翡翠閃文章
經貝元同秀臺花疑並粧焚膏辭漢時銜燭比扶桑
寶月懸秋影尼珠弄夜光慈雲浮縹渺法雨潤葱蒼
揜媚顏仍古逢元色再陽玲瓏開綺牖暎拂彫梁
練氣垂虹飲霞紋儼鳳翔青銖西母帶紫錦上元囊
佛國隨盃渡諸天藉筏將華筵開北海仙尉亦南昌
奎聚談三象空乘憶五羊澄心真洗刮獻壽助靈長
輪轂時旋轉絲綸妙展歲詞林一題品奚啻重琳琅

維揚崔桐撰

七言律詩八十首

經筵進講敬頌二章

朝罷雲軒下紫清
龍顏咫尺仰天行
虎賁彩仗旌旗肅
鵠立仙班劍珮迎
霄漢履聲趨國老
文華經幄引儒英
小臣幸荷昇平日
進講聊輸獻納情

經帙講罷 聖情傾
天語親承 賜燕榮風動蓬
蒲行玉饌露分仙掌下
金莖鳳樓春色花飛近
鶴篆殘熏袖拂輕
沾醉從容歸路晚
九重回首慶雲生

進呈實錄敬頌一章

六館新成一代編
九重親御五雲軒
典模遙獻金函重
霄漢同瞻寶鑑懸
錫寵濫沾周鑄
宴傷心還憶鼎湖年
虛傳往事留弓劍
祇有清氛琰琬傳

庚辰歸省觀江水逼縣有感

十年鄉夢水雲涯
歸日殘墟欲泛槎
野哭有人悲稅役
春耕無地種桑麻
魚龍水濶通層漢
鴈鷺烟深影斷沙
心折可堪回首嘯
歌酣酒醉漁家

狼山五首

澹雲千頃帶江城
蕭寺闌干倚畫晴
亭殿嵐蒸翠樹

色魚龍風動送潮聲
烟中吳舫衝波渡
天外虞山對

岸橫江北江南瞻
氣象一聲長嘯盡
平生

招提何代布黃金
松檜蕭森畫亦陰
佛擁葆幢丹閣

迥塔懸珠影碧潭
深風江元氣連吳楚
繡嶺靈光峙

古今暇日登臨成
勝賞滄洲牽引故鄉心

疊嶂冥冥雄古郡
澄江晶晶浸秋屏
臺虛鷲嶺隋梁

跡岩俯龜田卦畫
靈牛女深宮浮素靄
姑蘇遙景借

餘青何當一棹玻璃
月倒看芙蓉暎玉餅

混茫銀漢千流會
祥岫青螺五嶺參
已愛遙陰開海

甸更招空翠過江南
傷心金地曾兵燹
對景瑤觴暫

佛龕擬卜夜關成舊約未妨頽日送高談
危峯森列峙江邊森森寒流秀色連翠野三秋金壁
削青天萬頃雪濤懸風烟對岸開南北塔宇逢僧話
歲年我亦白頻洲上客石樓還擬借高眠

登白蒲陳南村樓次王晴川韻

小憇元龍百尺樓看山開卷事多幽清憐江海談仍
古閒愛林泉道更優石鼎丹烟凝燕榻竹欄芝雨淨
雲裘何當移席臨秋水風月尊前次第收

舟宿濟寧思親

疎燈涼月宿秋城來夜愁生萬里情何處笛聲催夢
短隔船人語話鄉頻白頭菽水遠遊子黃葉關河祗
病身不寢推蓬看天色銀河耿耿玉繩橫

遊鄭園泛舟曲池

危橋曲徑護芳塘翠竹蒼藤拂檻長獨往真成經鄭
谷勝遊何用數高陽蘭舟載客移春宴錦瑟隨盃醉
晚涼笑折花枝相把贈不妨月色在西墻

九日同陸雙石過陳石亭斗園

聯鑪廣陌出詞垣重九携琴過斗園對客談詩憐陸
賈開尊下榻得陳蕃坐遲城日斜苔徑秋暮槐雲護
菊軒笑折繁花共君醉忘情相對欲無言

陪毛廟翁閣老祀 文廟次韻二首

鳳闕春丁承 帝遣虎闈禋祀肅橋門黃流三獻文
壇迥絳炬雙瞻上相尊樂奏金懸和籥舞香聞寶篆
儼宸垣禮成子夜喧歸騎星斗光搖碧宇繁

陪祀祭品

碧殿瑤壇松檜泳曲欄迴砌晝陰陰庶蒸展視徐鳴
珮兩序追陪幸合簪俎豆百王崇報典綱常千載繫
人心元台公暇揮篇翰金玉鏗鏘太古音

聞梁厚齋閣老訃

賢科策士懷元弼曾採芻言讀 御前自謝鼎勳錄

海嶽每占劔氣動星躔立朝雅量岩廊重推轂高名
琰琬傳騎鶴忽聞仙已去可堪愁入五羊天

別張南溪謫廣西

漠漠風烟萬里分燕山盃酒貯殘曛乾坤道在應無
愧九第心傳本不群槎泛迥隨鯨海月劔雄還倚鱣
溪雲清時宣室思賢俊會見瑤環早賜君

送蕭子雍督學南圻

鳳城花映繡衣裳遙秉文旌指帝鄉白簡暫辭燕日
月青衿新識漢文章風烟極北三春別桃李江南十
郡香此去莫教遲奏最 天朝補衮借輝光

丁亥家議湖藩舟宿彭澤

停舟愛宿陶翁里，小酌江頭坐月明。
窓色迥含彭蠡影，鐘聲新報小孤晴。
蒹葭風撼魚龍宅，松栝雲圍虎豹城。
偶爾披襟向寥廓，可堪回首古今情。

戊子供 陵事寓郢中王子宅觀庭竹

幽人堂下新移竹，頗覺叢叢野意生。
斜影玲瓏秋半壁，寒聲蕭颯月三更。
費翁應待分龍杖，王子還容借鳳笙。
已辦數看忘問主，不妨隨意醉深甃。

同侯方山登王氏亭臺

危亭眺望春無極，曲徑蜿蜒况有臺。
萬木雲州隨坐擁，數峯空翠隔城來。
最憐江近帆檣見，更聽林喧鶴鶴迴。
已約良朋情爛熳，不須簫管促深盃。

渡宜城河戲簡省中諸公

炎天王事馳驅急，燈火肩輿夜渡河。
轉覺衝濤涼意動，更憐踏石碎聲多。
角驚睡犬山翁起，月散虛林野雉過。
臺省故人多暇豫，北山吟罷意如何。

贈申都閩北上

陽臺冰雪歲驚殘，別路將軍已據鞍。
山繞雙旌金闕迥，雲隨千騎鐵衣寒。
功高豈謂遲封李，壇築真看更拜韓。
近日潢池戲赤子，捷書無惜報平安。

郢中燈夕高或山邀飲玄妙觀以疾不赴
幽栖頗愛高詹事芳夕張燈能見招媿我無緣鳳簫
讌過君遂遣馬蹄遙虛疑寶月星橋度更想金枝錦
席搖回首川塗各南北幾時尊酒共花朝

送吳榕東太常使郢北上

兩捧 帝庭新鳳 詔重遊蓬閣舊 龍宮周家禮

樂瞻依重楚地山河氣象多已輕青絲迴錦節且吟
白雪當驪歌交遊高詎如君幾江漢茫茫柰別何

初至太和山麓羽士導登三天門飄然有仙

舉之意

危峯漸近擎空柱草樹深靈玉洞春雲路霏微浮殿
閣天門虛敞綴星辰碧簫度曲翻雙鳳絳節朝元下
列真何待來朝凌絕頂此身今已渺飛神

登太和絕頂謁金殿

凌曉朝元山欲秋登登曲磴到峰頭靈池雲捧龍眠
穩碧柱天銜鳥過愁瓊草光搖金像殿翠松寒壓玉
城樓凭欄楚望層巒外縹緲烟霞瀚海浮

太和五龍宮

綠蘿披竹入仙城漠漠層陰萬壑生玉像雲霾涵寶
氣珠林風撼帶龍聲池分清濁流天地岩改陰晴屢

晦明布襪角巾凌絕頂俯看頽日泛滄瀛

天池地池

巳丑督學湖藩赴德安試士張犀浦憲長留

燕不能奉約

春朝別友意不愜今夕渡江何處家雙旌露濕况山
雨滿眼亂紅空野花尊酒無緣謝鄭驛風流博物憐
張華閣東尚有梅花樹消息能教遣使車

德安道中有懷簡省中諸公

水田村社散鳴蛙楊柳橋西日欲斜春暮病軀頻道
路鄉愁短髮對鶯花踈狂豈有山公鑑時序空馳孟
博車回首仙人黃鵠上欲憑誰覓漢江槎

衝風發德安飯紫石鋪有感

德安暮發意促促風動天霾百里沙紫石官渠空細
柳碧山故國有餘花南來幾望仙洲鶴西去猶衝落
日鴉鄉思王程何定在慢輿羞過野人家

光武宅宅在白水南

棗陽縣南光武宅白水盤山王氣多遠客經行春鳥
道野人指點舊龍窩荒祠歲臘還香火東漢乾坤幾
戰戈電馬雲旗今到否望中踈水嫋烟蘿

雨行襄陽道中

襄樊江曲經年別雙劍仍衝溽暑新遠道動逢多雨

日離人况是落花春城烟深鎖梁王閣江草偏傷楚
客神招隱滄洲憐滿地蓑衣欲上釣魚輪

大堤

野雲隨馬大堤長迥帶江流曲抱襄已賦楚薪風亦
古豈猶花艷目驚郎樓臺城歷千家市燈火春喧百
越檣歌舞銅鞮無覓處祇聞人說峴山羊

江上望鹿門

隔水清風度落花龐公此處昔爲家山虛秀色連疎
樹岸遠斜陽帶半沙廬想無基空卧鹿徑應留月尚
歸鴉九原可起吾從女採藥同浮汗漫槎

羊叔子廟

羊侯已去碑不昧涕淚於今尚此亭沙岸渡頭春欲
老鹿門煙處草餘青輕裘晉代風流在歲薦襄翁俎
豆馨江漢腴田天漠漠萬家歌舞使君靈

隆中草廬

曲徑陰陰萬嶂隅問僧今識卧龍廬荒基樹古愁春
鳥廢井泉枯愧野狐炎柞已灰終爲漢王圖豈失未
吞吳綸巾羽扇祠堂在遺跡高名宇宙俱

習家池

騎馬細尋山簡路問隣還到習家池傷心亭館今誰

主拍手兒童非昔時鷺起漁洲春寂寂煙昏蛙草水
澌澌自憐未覺風流減不醉何因倒接甌

江上觀霞飛

江上霞生春日遲浮空映水巧透蛇紅翻圻岸憐生
媚倒就迴風忽亂垂遠岫欲栖仍不定踈林偶綴亦
多時白頭何術能餐女客路褰幃有所思

穀城道中似孫南江

穀城東北山水路不厭頻來景復新樹中幽鳥有時
語溪上小桃無數春澗流俯吸喧倦僕佛閣借眠休
病身經行自媿足車馬此地唯應烏角巾

再登均州滄浪亭

舊遊曾此醉深盃再入春雲一上臺陝洛關河連楚
越鄖襄風氣抱蓬萊沙鷗孺子歌邊起蓮塔仙人掌
上開坐愛山靈還識主洞花流出故流迴

鄖陽道中

煙塵落日均陽道峻嶺深谿百里嶺已怯紫苔能滑
馬獨憐竒石解迎予江濤磯轉奔雷去野燕風斜掠
水虛來徃自慚前度客東皇應識舊圖書

鄖陽偶會盧帥陳同年賦此留別盧陝藩少

叅病新愈

客况蕭條誰慰予。山城逢女落花餘。清狂袁紹杯仍在。大瘦相如渴未除。黃鶴楚雲違別路。青牛秦谷夢仙車。多情豈向交游淺。魚鴈於今定不踈。

鄖陽曉發迴均州喜雨霽

宿雨愁行險道中。薄陰新霽曉城東。谷雲度水仍含濕。柳絮沾泥不受風。倦僕屢驚苔滑滑。去旌遙指日瞳瞳。太和瑞色迎予碧。漸覺蓬萊路可通。

普門寺夜坐有懷

山寺鳴鐘春月微。嵐氛冉冉點春衣。風閒藥圃藤蘿寂。泉響魚梁鴈鷺飛。取適暫成良夜坐。媿心尚阻碧

山歸海天吾土。虛芳草獨往何年。願不遊。

陽春臺

子戊子六月至鄖。供工事辛卯以試。士復至登臺。慨然兼簡商劉諸君子。

樹連僊磴青霄路。山抱天居白雪臺。六月昔曾揮汗客。乘春今又看花來。轟雲雙闕金城鎖。繞郡澄江銀漢開。我亦高歌非絕唱。風流還數郢中才。

楊山人隱居

班白馳驅古未聞。幽居愛爾只青山。墻過鹿豕時常補。門挂藤蘿夜不關。坐石巧常留客處。釣舟斜出浴鷗灣。遲回正憶淮南棹。悵望何因得好顏。

潛江雨行

楚江石折水倒流冥冥雨多行雲愁岸篠垂濕吹不散
葛篔怯陰涼欲秋衝風已無烏鵲度乘浪恐有蛟
龍浮黃昏雙棹指漁火打鼓迴船依淺洲

黃江

黃江雨餘落日微風花吹濕沾衣客盤流衝岸已多
險啼鳥喚人胡不歸漆室有懷鬢欲老桂山入夢心
仍遠簿書親汝豈能事嬾性於今甘息機

暮泊黃州團風江有感

團風暮泊愁思動憶在揚州芳事饒看水疑浮潮漲
海聞簫如上月明橋唯將奔走添衰朽實媿才良慰

聖堯坐對南天不成寐斷雲踈雨總蕭條

舟泊團風驛李盤濱憲長見過

李白過逢江上舟談詩呼酒共寒流漸予豈解吟黃
鶴羨子真能脫紫裘烏鵲繞林涼月細魚龍吹浪暮
煙愁相看更惜蒼茫別燭剪黃昏坐未休

黃州赤壁

赤壁之戰在荊州

鶴洲漁浦一山橫為識坡翁誤汝名戰火豈經渾漫
賦地靈留此寺誰盟風含天壁仍懸赤江抱雲根不
斷清秀色瑤光堪遠攬明朝還上竹樓城

登赤壁寺閣王稚欽携酒至

赤壁高閣對江流江草青連蘇子洲銀漢橋虛愁鵲
度珠光塔古抱龍遊風雲舊物吾仍取詞賦仙翁去
不留謾約王喬招白鶴夜深還共月明舟

歸塗曉行

雨餘斷岸江聲洶日隱船窓山氣昏牽纜人喧唯吠
犬傍灘市小未開門簿書煩覺歸塗減衾枕聊貪曉
卧温起捲湘簾看風色淺沙寒綠滿芳蓀

舟過大別山

山色江光清可憐不知流峙自何年根盤古郡真雄
楚派合河源直抱燕崖顛樓雲漁艇外欄衡洲草聲

空前經行每阻登臨興白首空回日暮天

黃鶴樓

萬疊江山古郡開雨天勝槩表樓臺龜龍象繞城煙
合牛女宮虛漢水來路渺仙雲空望鶴草淒洲雨尚
憐才踟躕不盡憑欄意畫角天高生暮哀

登鶴樓望春即事

望春欲對春江水携榼來登江上樓舟子得魚歌渡
口浴鳧飛濕傍沙頭山城雲散桃花雨茅舍村連蘆
葉洲已覺虛無遺萬事漫招碧落送雙眸

鵝磯楚望

仙人磯對別山雄。磯上樓臺縹渺中。西去長江接銀漢。南來五嶺跨晴虹。人家漁稻迥夷俗。鶴路雲煙抱楚宮。多病登臨渾謾興。獨吟頭白向秋風。

春日雨行宿界山公署

千峰盡日陽臺雨。雙劍經年楚驛塵。已分鄉愁生白髮。不須客路有青春。烏翻孤樹啼沙草。風曳寒煙淨渚蘋。暮宿山亭獨燈火。更誰披豁對吾真。

飲陽峰張學士幽居

城裏山林學士居。亭虛冉冉亂雲垂。墻陰野竹寒仍繞。門外青山對不移。無數定巢馴鳥下。有時乘月過

琴隨開尊許我聊。踈豁話舊從容醉未辭。

寓江陵杜工部見訪

崔氏草堂幽事多。昔曾拄杖少陵過。客居江郡今逢汝。異代懷人意若何。愛我好留詩滿壁。再來無惜騎鳴珂。章臺沙市饒春色。携榼還須向薜蘿。

陸氏南村草堂

愛汝山家芳樹林。短墻圍竹轉幽深。窓含雪塢春仍凍。屋壓雲峰晝亦陰。鄰許過逢唯問秫。僧來留偈對鳴琴。嗟予僻性生惆悵。故國郊居萬里心。

望洞庭有懷海門寄姜海厓

洞庭水多浮夕陽，渺對長天思故鄉。
海雲沙鶴足幽事，桂叢瀛島遙相望。
愁極已驚蓬鬢改，瘦生欲倚竹筇長。
飛騰擬馭揚州鶴，漫跨銀河烏鵲梁。

別何巨卿赴蜀

憶曾躍馬共長安，蘭芷同心更楚官。
江漢地遠情未罄，別離天遠歲驚殘。
清才定擬燕臺召，此去能辭蜀道難。
劔閣草堂詞賦在，豈容魚鴈負詩壇。

別少華許太僕

承明憶昔同供奉，邂逅天涯又僦車。
羨子能騎沙苑馬，媿予真食武昌魚。
尊壘秋水仙人閣，詞賦桃源漁

鴈書它日想思繁，夢寐解携何得不躊躇。

送周泉坡中丞

天上霜符萬里驄，江煙莎雨別離中。
階聯入座星辰近，聲動三陟海嶽雄。
尊酒暫留龍劍合，仙翁此去鶴樓空。
盛名共道無虛士，擬取清朝第一功。

岳陽樓二首

洞庭形勝雄千古，此日登樓興不孤。
已訝乾坤仍混沌，更疑荆楚盡虛無。
鶻啼斑竹堪愁思，龍抱奇峰總畫圖。
落日冥冥澹雲樹，萬家門外百蠻船。

年來旅抱開清漢，巴岳湖山迥不群。
鰲背丹崖衝蜀

水鴈邊碧落斷湘雲舟橫莎岸人稀度天合煙村日
易曛回首江湖更廊廟可堪惆悵范希文

岳陽試士登院後萬竹亭

亭開萬竹陰陰裏四壁琅玕百尺強旅况對君忘閨
宰市城有此亦瀟湘涼含山雨侵苔磴低壓湖雲覆
短墻何日我來還借問龍孫頭角幾多長

予巡岳時浦南北澗二憲長餞送十里更遣
使遠問詩以謝之

清江畫舫三人讌野岸微風十里程飛鷺浴鷗偏近
客渚蘭汀芷擬同盟鷓鴣磯天遠僊人閣湘竹烟深帝
子城昨夜僊奴致金玉開緘聊得旅愁輕

謁長沙賈太傅祠似陸雙石

太傅祠堂秋色深江烟城雨暮寒侵風旗尚識經綸
氣蛩壁疑聞嘆息音半夜鬼神前席夢千年俎豆後
王心非若泣主能輕死爲約靈均問今古

雨中望南嶽

層峯疊嶺與雲連絕壑丹烟帶雨懸開闢有情留此
景山川何處更推賢風飄笙磬雙虹外樹隱樓臺匹
馬前便欲焚魚一飛去借渠松頂鶴巢眠

南嶽

南嶽嵯峨應軫星芙蓉森列矗雲青鰲連地軸雄全
楚龍抱天源入洞庭壇外雪峯朱草長岩陰丹鼎紫
霞零祝融定有僊人隱爲借黎燈共著經圖經云衡
山根通洞

九月赴永宿排山觀見菊

山行窈窕踏晴沙旅宿停驂羽士家萬里客情聞落
木百年詩鬢對黃花衡峯天隔無迴鴈谿竹烟深已
暮鴉漫向僊源覓歸路欲憑誰覓犯星槎

淑浦道中謁伏波廟

前有旌忠閣

伏波廟前林木幽旌忠樓閣纏江流神旗風滿芙蓉
在戰壘山荒野鬼愁銅柱鼎功懸日月珠車貞錦等
蟬蛸雲臺謾道高千尺不及南荒此報酬

盧溪道中

長風吹客浮輕槎雪壁夾流寒影斜細泉落石作江
水野樹酣葉成山花瀝潤古岩綴鐘乳氣冥玄洞藏
靈蛇隔溪隱隱聽鷄犬疑有太上仙人家

李臺南餞予辰州報恩寺留別二首

花臺佛日暮寒輕携榼憑高倦眼明滿郡烟光浮萬
井隔江山色抱層城歌催尊俎鷓絃細香泛松蘿鴈
塔清已擬良宵眠月影暫留雙樹聽龍吟

梵宮張燕對殘曛高誼招携有使君檻外新收千嶂
雨尊前遙落五谿雲虛堂燈影諸天寂古木寒聲獨
客聞已惜佳期情爛熳明朝惆悵若爲分

長至夜宿常德大龍驛次楊遂翁韻

蕉黃桂落祗枯蓬古驛蕭條寄此踪歲暮尚騎驅坂
馬長吟真愧卧廬龍一宵旅况侵窓雪萬里歸心到
枕鐘晨起喜逢陽至節未冠遙拜五雲重

元夕燕崇本書院次韻

設醴良宵重楚元張燈瑤院巧仍繁星橋影外烟花
落月壁光中戲舞喧斜漏聲沉筵尚改鳳簫曲度譜

新翻獨慚受簡才無補但願湘纍共此尊

崔東洲集卷之六

維揚崔桐撰

七言律詩六十七首

送泉坡憲長廼翁遊楚歸寧州

鸚鵡洲青鄂渚秋
丰神愛接地僊遊
百年助力辭鳩杖
滿眼風煙上鶴樓
梅嶺迴槎丹井在
栢臺飛夢白雲幽
後車祇恐文王載
好爲蒼生解釣裘

青山寺餞客回臬僚泛舟乘月而歸

春山曲曲繞花臺
送客樓船十里來
白社溪橋延舊侶
青天江漢接行杯
林喧鸚鵡頽陽路
棹撥魚龍皓

月迴倚醉高歌兼二妙風流未數郢中才

谷泉爲儲邦掄題

谷口子真幽卜居谷泉寒遶竹西廬雲峯倒影仍鄰
寺月檻憑虛憶坐予渠溜曉看添宿雨溪平時引入
春畚棲遲話女風流在把釣何年共鯉魚

鄜台岡侍講遊盧園次韻

盧家園樹碧參差曲檻回塘杖履隨性僻不辭時獨
往地幽真與懶相宜魚鱗影潛仍出席趁花陰定
復移翹首江流渺無際小舟瀕泛月明卮

送郭兩山之金陵

黃鶯磯頭春雪飛折梅酌酒把君衣翻開鐵笛離愁
切爲別瓊枝勝事稀江漲楚天雲樹渺臺空帝國鳳
凰歸鄉心千里秦淮月漫拂吳鉤倚落暉

哭林介立太史時介立居母憂

十年曾共雲霄路別爾相望又十年正憶苦心歸白
屋忍聞埋骨已黃泉各飛龍劍終難合細檢魚書可
再傳回首悲歡皆涕淚萬行遙對汝南天

槎隱

山人爲愛水煙幽笑踏僊槎汗漫遊風動魚龍浮几
席夜涼河漢傍衾榻看花每爲漁郎引載酒應緣勝

地留欲覓扁舟相問訊雲深知隔幾滄洲

壬辰叅政閩藩遊武夷謁紫陽書院

層峯疊巘萬流中鳳舞龍盤曲曲通碧落半開臺柱
頂青蓮亂夾斗牛宮仙靈此外應無宅造化於閩覺
太工千古儒宗尚祠廟遂令幻境未爲空

壽謝侍御母

西母筵開海上宮蓬萊絳氣滿簾櫳百年酒熟金莖
露六月香生荔子風垂白玉姿明紫帔舞爛僊客鞋
青驄醜顏笑拄麒麟杖指點庭蘭又幾叢

閩藩諸寮中秋賞月

百年佳會此應稀愛月藩仙興不違瀛海長風飛皓
魄芝山殘漏散清輝未嫌華髮催青女且共深尊醉
紫薇何處空闈思征婦已驚刀尺促寒衣

癸巳謫浙蔡我齋冬月見訪次留別韻

長風吹濤江欲暮飛雪皓皓明寒沙閉門楚調思游
子滿地吳雲霾萬家榻虛徐孺懼未罄舟去王猷情
更賒知君交誼興不淺湖上春生來看花

謁岳武穆祠

路繞吳山清晝餘岳祠瞻拜爲長吁千秋玉貌英靈
在十道金牌社稷孤夷夏至今尊武穆子孫誰復認

奸諛忠魂尚寄庭前樹南向錢塘野水隅

謁釣臺嚴祠

不愛朱輪愛紫芝客誰道故人知一生素業留蒼石
萬古清風繫釣絲山斗拜瞻勤過客歲時樽俎尚
芳祠雲臺豈謂高千尺已入平蕪白露滋

月夜再過釣臺

寂寂荒臺人已去故山千載有餘青少微自愛桐江
月太史虛占帝座星孤棹愧心頻道路中宵欹枕想
儀形相逢盡是兼程客誰采蘋花吊獨醒

別閩泉川人

觀

丁年漢署青霄侶千里吳天白雪訓同調瑤琴聊此
會更逢龍劍是何期涼生踈雨離亭草歌促商絃把
袂卮擬共華封祝堯壽還憑尺素慰吾私

壽鄔都閩母

瑤池王母下僊韶金液筵開樂事饒細數階真堯甲
子喜看王樹漢嫫姚吳山曙色春初動瀛海寒光雪
未消薇省栢臺紛祝頌朱顏從此未應凋

大佛寺次泉川子韻

野寺尋春梅發時盤飧隨意偶同齋澄湖影蕩天花
閣融雪泉通寶月池樹裏亂峯開宿靄鳥邊雙嶼帶

殘熹明朝未倦登臨興笑倚孤山再舉卮

保叔寺次泉川子韻

愛踏春晴酒滿觴危攀聊憇遠公房湖山高下還天
地碑碣摩挲已漢唐臺迥水連孤嶼小閣虛風曳野
雲長何當倚醉携仙侶共入松陰十里香

飛來峯

靈隱寺連山下洞幻傳天竺昔飛來崖懸乳溜龍宮
濕樹響圓音鳥道迴隋屐懶雲寒不起舉頭虛石倒
疑摧興來不覺狂歌劇醉折松枝扣玉壘

輿遊天竺諸山登舟夜歸

松路陰連天竺幽酒酣猶未倦清遊璠臺寶閣諸天
寂翠壁丹崖十里秋襟滿野涼隨竹坐簾橫塔影爲
僧留歸來更扣西湖楫鼓角城高月在樓

集慶寺觀理宗像寺已燬獨餘後寢

百代乾坤荒趙業一隅襟帶尚錢塘空傳正學瞻山
斗未有真儒共廟廊春醉玉桃當日像烟橫苔砌燼
餘堂湖邊芳草王孫去曠有僧家歲臘長

同汪青湖泛舟西湖登孤山望南北二高峯

閨苑藜燈憶往年相逢聊醉碧湖天雙峯雲氣連孤
島十里荷香送酒船林隱已荒歸鶴徑山僧誰問野

狐禪別來覺女踈狂甚。贈我囊中海岳篇。

九月調辰沅舟次南昌訪舒澗宅見其二子

松月槐雲玉署高。憶君談劍氣偏豪。華歆薄命虛龍首。謝子清姿見鳳毛。木榻拂塵猶卷帙。竹門無客祇蓬蒿。傷心晚發春江棹。醉倚西山首重搔。

藩臬燕予滕王閣

矗矗憑虛百尺臺。碧樓朱檻倚江開。長天秋水今猶昔。芳草王孫去不來。龍抱西山還紫氣。鯨翻滄海已黃埃。停盃極目生愁思。心醉何煩急管催。

過桃源洞次何大復韻洞有門門外橋跨兩

仙扉雙掩石嵯峨。沙徑逶迤有客過。虎穴靈雲深玉樹。鵲橋懸影瀉銀河。絕憐白晝生雷雨。不厭青天捫薜蘿。當日隱淪何處所。幾回皓首歎蹉跎。

楚中賓友會張內史園

愛爾梁園池館勝。乘閒携榼傍鷗羣。千山晚送桃川雨。四壁涼生芷水雲。旋掃松苔深處坐。新翻宮曲醉中聞。臨岐未盡登臨興。笑酌清泉贈使君。

過揚州山園亭二首聞山前任翰吉

子雲亭榭足幽事。清晝高眠亦地僊。看世却忘雙眼白。閉門惟草百年玄。半池天影虛仍碧。滿座花陰淨

且娟闌苑我來尋舊侶酒闌聊贈紫芝篇

小鑿方塘碧樹圍客來呼酒掩山扉
牕中野色浮堪掬石上閒雲濕不飛
檻曲樽影隨竹徙日斜鶴鶴帶雛歸
憐予性僻翻惆悵欲借山人薜荔衣

楊聞山來月亭觀鶴

風格仙禽迥異常每穿花徑隔山塘
一聲天外和雲落瘦影欄邊共竹長
已訝離羣來碧海可能騎我向維揚
徘徊欲坐三更月試看平分玉兔光

甲午九日監試返沅咸寧道中懷南溪省庵
重九馳驅萬石陂雨餘苔滑步遲遲
異鄉節候仍懷舊此日尊壘欲共誰
碧嶂簇興空滿郭黃花故國老東籬

東籬邨亭獨詠翻惆悵漠漠江城况暮曦

山塘道中

古邨雨歇浮夕陰客子寂寥時獨吟
烏啼高不黃葉下雲漲萬壑青山沉
衝風把釣五溪叟隔松搗練誰家砧
聞關萬里豈能事吾欲東歸烟霧深

再至省同陳棟塘遊西巖寺坐萬松中

梵宮瑤閣楚城隈爲愛新晴結駟來
簫管晝遲雲度曲松杉秋冷露含盃
紫苔醉藉眠仍穩碧澗幽尋坐不回
時菊已憐芳節近可能攜手更登臺

同葉省庵登黃鵠山堂二首

僊人磯上接春盃。帝子城西百尺臺。日亂鶯花喧市井。天開江漢影蓬萊。蒼茫暮色含連浦。荏苒年華散野梅。已擬罄君良夜飲。短簫橫笛莫頻催。

用前韻大書堂後山臺

尋幽不惜共深盃。興遠披襟更上臺。遂有煙霞隨世界。始知瀛海到蓬萊。洲連處士晴沙草。樓落僊人玉笛梅。但使青春容客醉。不妨華髮與年催。

鵲磯晚眺

雲中萬木擁山磯。縹緲仙臺鶴不歸。東倚楚宮金碧迥。西連漢水草煙迷。樓傳崔顥留高調。洲俯禰衡落暉。欲去支頤對寥廓。幾回白首獨依依。

陳九巖公署園亭

池亭虛敞媚春姿。却訝追尋較太遲。覆坐花陰移榻處。隔牆山色捲簾時。林中岸曲泉仍遠。席下魚行人不知。已有陳蕃能愛客。可無清詠共佳期。

乙未遷南太僕和州道中憩香泉寺

風槐露草青山道。愛見溫泉野寺旁。已訝縷分丹井穴。更疑珠噴火龍堂。光搖雙樹涵幽意。花漾諸天借異香。我有煩襟欲憑洗。南泠還憶海天長。

同蘇舜澤侍御遊醉翁亭三首

秋暮登臨願不違，更聯驄馬扣僧扉。
松陰巖壑含風淨，竹影亭臺帶日微。
蘇刻蝕苔詞尚古，歐情托酒醉應非。
讓泉似解當年意，嗚咽寒聲遶石磯。

淮南野老崔亭伯，東郡高情蘇子瞻。
竹院九秋聊此會，肯延二美愧相兼。
林端聽鳥時移席，窓裏看山數捲簾。
興入煙霞元有癖，盃深醺醖莫辭拈。

樓臺俯碧渠，素秋聊駐使君車。
清才麗藻仍憐女，老影欹斜亦醉予。
灑氣生涼遙度海，亂山浮翠果
殘淙野梅軒下披襟暮，千古風流此不虛。

滁州公署悠然亭次杭東卿韻

鴈度微霜吹暮風，高歌彈鋏倚晴空。
閒亭楊柳悲時落，淺水芙蓉猶自紅。
江夏補衡狂不減，滁湯歐老興能同。
極知來歲春仍在，爛醉何妨白髮翁。

借胡支湖憩悠然亭用前韻二首

遲日繁桃煖更風，筵開虛榻碧煙空。
不堪老鬢成雙白，還對春花此亂紅。
步屨擷芳隨意是，披襟話舊故人同。
濁醪共道禁愁得，深酌寧辭亦醉翁。

小苑亭虛靜亦風，隔牆山色迥盤空。
已憐池草春生碧，莫遣庭花晚墮紅。
幽賞豈違鄉曲異，招携時許比

鄰同韶華冉冉驚來去。謾憶童時亦老翁。

十月集孫豐山宅雨中對菊三首

江村已謝重陽節。城市還逢十月花。甘飲不勞凌谷水。幽尋疑是過陶家。莫嫌風雨催寒事。正惜清奇殿物華。擬醉踈籬憑地主。况同吾土豈天涯。

當年陶令惜秋芳。更愛荊州刺史狂。青女豈容欺歲暮。綠尊還許醉花旁。盈盈叢倚含風檻。冉冉香隨過雨堂。明歲佳期更誰共。好憑高詠引盃長。

是日庭菊數種種皆佳。獨名粉西施者尤為高品。以霜雨轉覺清絕。主人盆置中。堂少客。其下酒酣。廣歌嘆賞。再再為特賦一首以答花神。

高人庭滿傲霜枝。一種西施訝更奇。素態輕盈香裊裊。粉容羞澁朶垂垂。雨欄翻愛殘粧洗。屏燭猶疑舞影移。莫向淒風怨遲暮。杏桃零落已多時。

用前韻答張四峯三首

霜郊已歇王孫草。風樹還留處士花。下榻陳蕃能愛客。衝泥杜甫欲忘家。舊時朋好逢今雨。閒裏尊罍擊歲華。明日滄浪添曉漲。漁歌還聽白雲涯。

看花未倦菊猶芳。沾濕能來老更狂。已愛近移華燭下。不妨亂插接離旁。寒生城角頻呼酒。暗落星河未下堂。莫問荒涼十年事。聽琴談劍意何長。

帶雨離離濕粉枝，停雲靄靄助清奇。雲疑入夢心仍
結，雨似悲秋淚欲垂。華屋管絃慚勝賞，山家籬落許
新移。行人莫漫誇紅紫，抱素偏禁歲暮時。

滁州秋夜懷顧東橋

獨夜池亭酒半醺，坐隅涼月萬峯分。蛩吟階草偏隨
客，鴈落天風正憶君。雪棹恨無溪上興，陽春時誦郢
中文。鳳凰臺閣饒詞賦，好趁梅花驛使聞。

滁州至日即事有懷

小至滁陽寒較輕，疎林烏鵲曉喧晴。霜塘漸涸歲云
暮，梅閣含紅春自生。白首瞻雲天北極，碧山入夢海

東瀛漫傳刺繡添長線，長門翻嫌繁客情。

丙申醉翁亭別馬西玄

十年岐路頻勞夢，萬里逢君復此亭。潦倒已慳崔顥
興，風流還聽馬融經。樽前石轉寒流碧，樹裏橋通疊
嶂青。莫遣鳴珂牽悵望，好從深酌慰飄零。

醉翁亭餞郭雨山

秦淮詞賦中台客，漢闕風雲北極遊。惜別歐亭聊地
主，始知郭泰有僊舟。花朝春色迎江浦，梅驛高情憶
隴頭。且共青山成一醉，明朝無計爲君留。

慶賀北上舟次淮陰會汪東麓袁守伯昭席

上次韻留別

憶昨追隨王署年，共揮彤管五雲天。
驅車衡岳慚予拙，拄杖匡廬覺汝賢。
千里張華神劍合，一尊袁紹故人憐。
相看未盡相違話，分手河橋轉悵然。

臨清會閻泉川館兄

燕臺越嶠憶同遊，把酒題詩意氣稠。
短髮慚予仍道路，高情憐子已滄洲。
烹葵炊黍八暄約，小苑閒亭草樹秋。
此別天涯又南北，萬山煙雨總離愁。

臨清會張歷田兵憲

汗漫槎遊與亦仙，天涯况復得張鷟。
上游授鉞長城賴，靜談兵對客賢。
花裏開尊深別苑，燈前看劍愧頽年。
明朝又是相思地，望斷清源草樹煙。

蒲亭翁藤棚夏酌

學士堂前巧構棚，橫盤屈曲老龍藤。
滿庭空翠無冬夏，六月清寒灑雪冰。
曉籟引風聲細細，碎光搖月影層層。
幽吟不盡徘徊意，倚醉高攀興尚能。

長安別曹漫山館兄

予歌楚些客長沙，子載文旌亦海涯。
萬里更逢燕市酒，十年曾共上林花。
疎才崔蔡元無數，高價曹劉本大家。
細酌長吟聊此夕，斷腸回首是歸槎。

長安中秋同袁孔夷潘子陽夜酌

十年不見長安月此夜重看較倍明豈謂仙娥憐舊客故披清影照離情高城鼓角賓筵話別苑笙歌子夜聲宦况鄉心無住着酒闌欹枕短長更

南歸雨宿天津

澤國清秋冷渚蘋疎燈獨夜宿長津蕭條枕簟孤城雨寂寞音書萬里身雲路遲回虛歲月客程滋味秣風塵碧山遙憶淮南桂鼓角聲沉倍慘神

丙申入

賀南歸并次彭城是夕夢舊尹裴伯修過予敘舊如平生且曰不肖無德貴

邑聞民尚念予公知之乎俄驚寤爲追憶達旦旣歸修邑志傳入循吏中詩以紀之黃門死別十餘載客路分明夢見君話舊還能露心腹相逢似解敘慇懃飛鳥花縣餘遺愛鳴鳳擬策勲愧我同年官太史可無直筆紀清芬

歸省宿白蒲法寶寺次壁間韻

征途聊就招提榻暮色冥濛雙樹林殿古天香凝宿靄臺虛海氣曳長陰趨簷麋鹿聞經慣抱月藤蘿護佛深咫尺故廬心轉劇挑燈欹枕照孤吟

壽孫姨母

孫登長嘯蘇門迥。仙母棲遲瀛海年。鳳馭曲停寒桂
月。鮫宮春改見桑田。銖衣瀟灑芳塵外。玉樹扶踈皓
髮前。我亦歲星逢甲子。獻桃騎鶴到華筵。

己亥服闋同李竹梅王綱齋遊姜海涯園

薔薇紅爛柳條斜。亭子陰陰梅杏遮。蔣晚開栽竹
徑。堯夫春度看花車。曲欄橋下魚行水。淺浦灘頭鳥
護沙。細酌清吟須永日。故園朋舊豈天涯。

賞姜園芍藥值小雨

紅藥清詞憶謝郎。北園花更媚君堂。帶圍元自誇淮
海。玉縷無勞數洛陽。歌入錦心翻艷曲。雨隨雲意濕
衣裳。夜壺舉白交歡罄。謾遣朱欄醉百觴。

雨晴園行

江頭薄暮時雨歇。野老怡情獨杖藜。轉愛穿花衣染
濕。不辭臨沼屐侵泥。當牕落日雙梧上。隔檻鳴鳩萬
竹西。更喜村村農事足。便邀鄰叟醉東畦。

亡友王生仲明初欲請吾女妻其子未果約
而仲明卒或勸予負約予不可竟以女歸
之無何女亦蚤卒夜來夢見生賦此紀感

不見先生三十年。丰神夢裏尚飄然。雄談雅韻曾傾
坐。偉貌脩髯不異仙。兒女心盟吾肯負。死生長恨總

無緣覺來細數平生韻鼓角聲殘涕淚連

崔東洲集卷之六

崔東洲集卷之七

維揚崔桐撰

七言律詩八十首

庚子遷祭酒次王前峯午日齋居韻

齋臨壁水開東序坐接僊寮切上台風俗縷金隨節
候蒹葭倚玉愧趨陪琴書綠意添牕草簾幕清陰滿
院槐擬相明裡供 聖主 九重心實在蒿萊

賜藕

藕鮮傳出大明宮 天賜嘗新到薄躬盤捧冰姿憐
皎潔刀分玉片愛玲瓏幾迴寒漱靈池液一味清含

東洲集卷之七
華岳風已覺相如蘇渴肺祇應萬壽祝 重瞳

賜筍

九重星使下橋門春筍頒傳荷 聖恩經閣俯躬遙
虎拜壁泉盥手捧龍孫青含閨苑瑤瑤色斑帶瀟湘
雨露痕寵薦不堪懷孟母轉成悽惻幾饕餮

賜鮓魚

炎月鮓魚貢玉京鳳肴麟脯豈珍烹驛傳冰雪隨星
使盤下雲霄賜月卿莫腹喜露仙饌味海鮮還帶故
鄉情小臣飽德何稱報願效華封祝 聖明

賜枇杷

珍果瓊漿玉帝餐近臣霜賜 聖恩繁紫累珠綴珊瑚
乾顆照金傾琥珀盤朱夏遠傳林壑味玄冬曾耐
雪霜寒幾迴咀嚼輕凡品盧橘葡萄菊澱齒酸

賜楊梅

珍果傳宣玉禁頒翠籠藤縷下賢關甘芳咏比金莖
露紫艷靈通終雪丹始信江淹誇繡壑未多裴氏記
廬山憐渠賸有青梅節自合調和鼎鼐間

李選部中麓草堂

萬流迴處孤峯畔三麓中間一啟宮龍脉盡雲屏削
翠雞聲伴日海拋紅蓬萊影對滄溟樹岱岳光分戶

瀟通地主愛奇今李白百篇斗酒氣如虹

送胡別駕子敬還北固子敬嘗司訓沔陽邊

南雍助教

清朝人物胡安定憶昔同紉楚澤蘭已愛賢聲鳴俎
豆更看披腹露琅玕石頭春雨南雍早京口秋潭北
固寒此日東南民力竭好銷兵甲報平安

次王前峯九日感邊警韻

九日冥冥萬井煙一盃遙對寂寥天桂山秋老滄江
外榆塞愁深白髮前撫景有情隨鴈候疎才無計獻
龍泉異鄉同調悲秋客幾度賡歌思黯然

文廟釋菜

巍巍清廟神謨肅楚楚師儒勗薦隆環壁四浮星錯
落絳燈雙引日曈曈奉常克饌供珍品藝館鴻生萃
芑豐奠罷從容東序曉宛然人在太和中

至日奉陪 郊祀

行行燈火星辰上閃閃冠裳煙霧中縹緲鈞天諸樂
奏網緼蓬島萬靈通陽迴葭管開周典封秘金符陋
漢功奔走上公仍禮數 聖心耿耿尚蒼穹

辛丑元日候朝

神凝翠幄 龍顏迥仗設金門虎衛雄 萬歲天開

元旦會千官春擁大明宮螭頭雲旆含霜曉殿角
風鴉散日紅宵旰莫教勤聖主調和元氣在諸公

張適耕

館生張梓翁

太平時節適耕翁碧水丹山數畝宮種藥圃霑桑柘
兩讀書臺引稻梁風一犁春事啼鶯外半榻餘閒夢
蝶中未道老農無遠寄庭栽玉樹正青葱

別陸儼山宮詹

清時何事賦閒居祖帳東門又別疏千仞獨看翔鳳
鳥三江元自有鱸魚碧山學士巖仍在玄圃僊寮席
暫虛聖主定應勞夢卜早占霄漢下徵書

別張石川次留別韻石川素好遊南歸興頗

浩然

得請南歸匹馬飛百年芳草願無違雲間翰墨開詩
社海上煙波覓釣磯已有青山迎舊主不妨黑髮罷
朝衣知君汗漫情何限五岳圖成鴈莫稀

雲間上海郡名

辛丑久旱同前峯齋宿北雍唱和四首

璧水晴煙覆檻濃松墀月色入簾空楚雲不作陽臺
雨朔氣常飄瀚海風西北關河猶報警東南財賦未
輸公為霖元老今臺省物色無勞版築中

日團槐影午陰濃坐憶艱虞萬國空埵鶴未鳴征婦

雨海禽先報魯門風天憂杞老真多事星駕桑田幾
奉公病渴喜逢王子敬對君如坐王壺中

乍喜冥冥陰意濃俄驚皎皎復晴空經年不送蛟龍
雨萬里長吹鶴鶴風宵旰隱憂勞 聖主東南分奠

走羣公憑誰挽取銀河水一洗焦枯烈日中

竹庭晴對綠陰濃麤麥遙憐吠畝空豈有雷聲特送
雨每占箕宿夜還風齋心叨共春坊客紀共應勞太

史公尚倚明禋勤 聖主甘霖端在感乎中

辛丑遷南禮部次陽峯宗伯至日有懷韻

日長南景逢佳節憶昔曾陪郊祀壇黼座風雲瞻氣

來琳宮星斗落高寒陽回玄朔蓬壺近樂奏黃鍾玉

漏殘黍竊兩都沾 聖澤空慚三禮賦微官

徐氏東園仲冬燕集次周約庵韻二首

江南佳麗東園最勝日筵開賞更新繞屋碧林巢野
鶴隔牕翠鳥對幽人未醒梅意含珠蘂半凍泉痕皺

玉鱗霑醉徘徊華燭夜揮毫未數兔園春

入門環翠栢屏香穿徑踈陰蘿帶長錦石玲瓏當几
榻雕欄宛轉抱池塘丹霞晚映松嶽色白雪晴開竹

塢光此日勝遊饒樂事儘憑歌管送清觴

壬寅西園宴集二首次顧東橋韻

西園虛敞鏡幽事。携榼尋芳更此遊。鹿苑陰連金粟
靜。鳳臺寒抱玉泉流。三山雲霧杯前落。萬井人煙
外。收不惜勸酬情爛熳。已喧歸炬更淹留。
迢迢曲磴朱欄護。處處幽亭玉樹遮。巧石兩餘苔點
綴。方塘煙外竹欹斜。南州高士能分榻。北海芳尊共
坐花。醉後不知添逸興。欲凌牛斗問仙槎。

公署三友軒次崔后渠韻

梅竹參差翠柏連。宛如三友對幽軒。交陰小院防遮
月。倒影方塘喜護天。碧映簡編清燕坐。涼生枕簟靜
高眠。嬌桃艷李飄零盡。節抱風霜老更堅。

晚登朝天宮東麓亭

氣色皇都春滿樓。亭分小景亦清幽。已開曲徑迴旋
入。更踏虛崖縹緲浮。地僻祗容孤月影。竹深斜占半
林秋。隔溪隱隱聞笙磬。别有仙蹤不易求。

再登朝天宮東樓

樓倚東林紫翠間。冥冥長抱五雲閑。危欄俯見城中
市。虛牖遙含鳥外山。萬竹搖光珠露滴。雙崖流彩玉
芝斑。登臨俗想真堪洗。未厭頻頻蚤叩關。

十廟次張甬川韻

峩峩殿閣倚雲間。百聖遺容尚可攀。松檜十宮仍紫

氣君臣異代一青山煙籠葆羽龍幢寂香裊金爐鳳
馭還自是明王崇典禮歲時馨祀儼朝班

鳳凰臺

今人還上昔人臺千載悠悠鳳不來歌舞王孫餘碧
草風雲異代祗黃埃南冷江抱金城麗北固天空銀
漢開幾度徘徊欲詞賦清新終愧謫僊才

余自乙卯試藝南都凡三主于承恩僧舍辛
丑南遷舊僧已圓寂矣賦此志感

古刹重來覓舊蹤寒煙猶曳幾長松虛齋已寂當年
主老衲惟餘少日童聽法有緣曾結社留題無憾後

馬鑿出門惆悵天街暮西日蒼蒼照數峯

壬寅人日雪

一冬無雪暄晴日人日飛飛滿帝都萬里湖山籠玉
宇九重樓閣映冰壺蒼精未獻新春節白瑞先為樂
歲鋪燕坐小軒成獨賞梅花點點送清酤

壬寅省中元會次陽峯韻

鸚鵡班趨玉珮臣龍蛇旂擁翠華新五雲遙祝南山
壽層漢同瞻北極辰畫省爐烟分御氣鍾陵山色
總王春白頭荏苒空時序補袞無才愧縉紳

歲首喜晴次陽峯韻

占年獻瑞爲黎元，正旦新晴萬井暄。
麗日彤樓先散彩，輕風佳樹半含暄。
衡璣律應陽和轉，簫鼓筵開勝事繁。
聖治萬年常錫慶，媿無調燮答鴻恩。

元夕雨雪飲宋南塘司空宅二首

雨雪燈宵共怨春，勝遊誰解賞偏新。
陽臺疑逐雲耕女，姑射如迴鶴馭賓。
火樹搖光無藉月，天街霑潤不生塵。
懼迎寶馬何妨濕，醉擁油幢莫厭頻。
燈火元宵錦席張，芳鄰佳賞屬新陽。
龍膏冉冉丹煙落，鰲影重重寶氣翔。
雲葉暗香沈玉漏，雪華狂舞佈華觴。
祗緣宋玉多風韻，醉客高歌借寵光。

元夕雪後過燈市赴飲丘集齋宅二首

元夕多陰興味慵，放晴今日翠烟重。
已憐輿路過燈市，更喜詩襟對雪峯。
九陌花隨金駮裏，五樓城抱玉芙蓉。
芳尊况有丘遲約，痛飲須拚達曙鐘。
燈火皇都艷此宵，錦筵爛熳美人招。
栽花欄榭雲猶濕，睡鶴池塘雪半消。
移席醉仍穿竹塢，敲冰狂欲泛蘭橈。
何妨列炬歸來晚，城闕天空下斗杓。

元夕陳寧陽宅觀烟火

百巧虛懸彩架標，鳳簫鸞管燕良宵。
僊靈葆羽迴玄圃，樓閣珠簾影赤霄。
點點花飛星錯落，雙雙鶴度雪

飄飄共傳春色江南麗盡屬侯門樂事饒

午睡起觀庭竹

睡起開軒白晝遲行行庭院碧苔滋絕無俗事妨詩
興祇有清襟對竹枝蒼日漸移寒影碎山禽交語翠
烟香百年幾日能閒過此意凭欄許自知

三友軒題詩

六出天葩下帝庭一枝玉龍迴更添清絕偏親
竹欲學春嬌故點梅本是新陽留臘意却疑韶景看
花開幽軒徒倚朱欄曉一則高歌愧郢才

過揚子江已數日

中江獨立關雙門岸夾羣峯此更尊日月倒懸浮寶
地龍蛇深卧抱雲根光搖萬古巖留雪勢激千流軸
轉坤舟過幾迴翹望首玉蚪翻處一珠吞

舟過揚子江觀音閣

危崖絕壁懸丹閣戶牖玲瓏映水開龍象冥冥雲樹
擁鼉鼉滾滾雪濤來山連兩岸圍金地花落諸天護
梵臺對此自堪紆旅抱倚蓬貪看故徘徊

王克齋勾曲山房

愛君卜築鄰幽境門外三峯對不移棘堵何煩圖
野輞川今更有王維萬松深處雲連屋獨鶴鳴時日

在池一自龍蛇飛大澤故山迢遞夢佳期

夏松泉中丞平吳寇二首

折衝尊俎一書生授鉞王庭萬里城巨艦有神飛水
騎窮沙無地走長鯨旗翻北斗風雲壯兵洗東吳海
岳清自是 聖明紆廟畧坐看臣子奏功成
塵擾吳門妖氛橫逆麾長劔南征羽書捷擬三句
獻豸老胸餘數萬兵江海不愁翻地軸雷霆蚤已動
天聲鯨鯢首授標京觀日月功高勒鼎銘

贈王汝康主政南行便道歸省崑山

飛花啼鳥滿江關彩鷁南遊圖畫間暫許層霄翮粉
著過瞻片玉映崑山堂開畫錦雙親健袍舞春風五
色斑豈謂尚書期不顧霜催白鴈使君還

送王貞軒考績兼歸省輿浦司馬

秣陵清醖及芳菲畫舫澄江送客歸劔鼓谷龍辭督
府堂開司馬拜嚴闈茱萸村畔宜春酒芍藥花前戲
彩衣奏績蚤頒朝 北闕承家報國願無違

秋夕庭坐得蒲汀翁詩

憶在門墻年頗多忍聞君已夢魚符王堂仙去名元
重金匱文傳道不孤八座經綸占相業兩京衡鑑仰
師模可堪涕泗清秋夜涼月淒風滿竹梧

西津 趙駙馬曾孫子鳳別號

僊人曾弄鳳凰簫僊派仍懸烏鵲橋河漢瀉來通太
液蓬萊流出帶層霄晴涵官柳春容早碧染宮雲御
氣飄自是主家元一脉 恩波長慶荷 神堯

寄壽同年劉平岡兼期其晚子

紫薇僊是老人星歸卧青山戶不荷賈誼愛君仍去
國劉歆似父定傳經每招鄰叟開新社一任漁郎笑
獨醒習靜自堪遲歲月丹砂無藉駐顏齡

別楊重南考績北上歸省

楊南北二曹主事

鄉里衣冠羨不羣朝天劔氣動星文過橋車暫迴司

馬華國才應識子雲菊月喜開雙壽燕 楓宸遙獻

兩曹勲江城白鴈催霜露忍聽驪歌送別君

挽文鶴霄

時先君服初闋

愁予免服仍多病涕淚還餘哭史魚月旦有評人已
去煙霞無主社應虛鷄占春夢成長夜鶴吊秋風寂
故廬者舊日稀招不返海天寥闕幾嗟歎

服將禫時呂涇野王克齋王郭二監察俱有

薦疏

棘人尚在樂樂日何事諸公有薦書已分土苦棲白
屋敢期名姓上公車共推為國求賢切自愧高名得

士虛薄劣豈能知己報願將忠赤一生擔

中秋無月

中秋兒女誼瓜餅坐待嫦娥玉鏡開未見清輝生海
嶠却教微雨送陽臺兔光寂寞應藏窟桂影模糊不
映盃世事陰晴渾不定明宵圓魄好還來

秋夜園池小坐對雲山有懷二親

月色亭池此暫留文園病骨不禁秋閑堦黃葉生涼
思素壁吟蛩入暮愁風木斷魂雙別淚雲山對客幾
搔頭共誇金紫雙親慶出養何由到故丘

重九燕集感邊事

海色蕭蕭鴈影孤池荷庭樹半凋枯尊開苔石憐青
錦菊對踈籬尚綠珠愁入塞雲鳴寶劍懶開塵匣老
陰符且須酪酏酬佳節呼取高陽舊酒徒

槐第下第有作用其韻慰之

吾家季子黑貂裘歸興蕭條白露秋每愛瑤華能吐
鳳更看劍氣欲吞牛荆開庭榭春還在草夢池塘意
已投他日雲龍終有會不須惆悵仲宣樓

得呂溼野書報欲乞休

風雨金臺憶別時迢迢雲樹繫相思梅花無計傳消
息玉樹何緣慰渴饑錦字忽銜青鳥使滄江仍報白

雲期海天搖落秋空暮悵望深慙故舊知

哭呂涇野

故人天上鶴書來爲報瓊枝昨已摧賸有文章藏石室獨憐梁棟墮金臺晦翁命薄焚遺草文子家貧鬻野萊萬里懷君懸隴月瑤琴寂寞爲誰開

得鄒東郭書

別君秋色滿離亭又見燕山春草青龍劍各飛勞夢寐魚書欲寄隔滄溟詞垣舊好曾今雨太史何年奏聚星報道平安慰饑渴始知劉向正傳經

別詹廣文署邑篆還揚

同年詹燕峯姪

我過蕪城桃李花還分春雨到天涯傳經暫謝青氈席弄檝遙浮碧海槎小阮才華如仲父孔融門第本通家相逢又折河橋柳風滿文旌別路賒

次郭文麓道長海門風夜阻舟韻

凍雲垂濕孤村暮仙旆寒生郭泰舟沙鶴逆風偏妬客江鼃鳴雨故牽愁蕭條嚙土無青野涕淚餘民半白頭便欲浮槎問真宰東南民瘼爲誰由

哭馬西玄宗伯二首

北風吹海故人來天上驚聞玉樹摧青鬢早嬰司馬病蒼零終奪賈生才燕金臺上空留骨隴水灘頭憶

寄梅賴有文章聲價重輝光千古照泉埃
初聞汝計疑如夢更得真傳淚滿襟
遠道那懸徐墓劍傷情欲破伯牙琴
悲涼蓬梗三年別寥落梅花萬里心
細檢音書重拂拭滿城風雨助愁吟

贈裴子致政還浙

功成佐邑賦歸興回首賢勞七載餘
竹徑更尋裘仲約桐江况近子陵居
愁生海月孤城別春滿湖雲一棹虛
客又異鄉成故舊好音無惜寄雙魚

園池獨坐琴罷觀魚

荷亭槐院晝陰陰靜坐觀魚獨自吟
張隱只須無餌陶翁何用有絃琴
池圍曲檻藜床穩酒送殘花竹盞深
却憶濠梁真勝事碧山能負白雲心

過劉碧潭教諭宅

桃李陰陰數畝宮偶攀玉樹對清風
青藜經閣須劉向絳帳諸生暫馬融
門帶鯨波浮海嶠手栽龍竹淨簾櫳
日斜共醉春花爛携榼還期蘭浦東

過楊敬齋司訓宅

草玄亭外樹成陰奇字頻來問子雲
未厭午牕驚短夢滿酌春酒共斜曛
桃花院落留鶯語芹葉池塘睡鶴群
細酌清吟情爛熳劍光深夜動星文

過伍山泉司訓宅

文星愛接伍喬光，共約東皇醉一觴。
綠蔭曲穿樓鶴樹，清流晴映養龍塘。
風閒石上開朱瑟，春滿江南隔畫牆。
幾度高歌向寥廓，自憐幽興老還狂。

立春後約友賞雪

漠漠同雲萬里遮，喜看瑤雪瑞年華。
巧穿簷箔添春色，故點庭枝作早花。
仲蔚閉門空漫興，子猷孤棹是誰家。
明朝約共山亭醉，莫惜青鞋踏軟沙。

聞北虜之警

塞北清秋徹，備疎單于忽破紫。
儲胥冰霜未結黃河水，車馬先傳白羽書。
漢幟九關懸日月，胡笳一夜滿郊墟。
浪傳嫖騎懸金印，何事天驕警玉除。

丙午北禮部奉安 太廟

三殿闕開入紫冥，森森松檜繞葱青。
仗連虎衛千官肅，神護龍宮萬代靈。
俎豆薦芳瞻玉几，爐煙流彩散彤庭。
禮成五夜喧歸騎，仰見微垣帶列星。

工曹中秋宴集次韻四首

小圃能容月色寒，高情不厭物華闌。
白毫千丈光堪吸，碧宇重輪景愛看。
烏鵲繞林驚玉樹，龍蛇眠海抱冰盤。
莫辭徙倚延幽興，影落高梧未能歡。

東坡集卷之七
中秋月榭動輕寒。子夜酣歌燕未闌。佳會此宵真勝
賞。故人明歲幾同看。誰家簫鼓芙蓉苑。客舍尊罍首
宿盤。况有豪吟對詞客。不妨達曙罄清歡。
池館蕭蕭竹樹寒。月華鋪地漏聲闌。弄晴偏向杯前
滿。引醉渾忘客裏看。桂影拂雲開玉宇。蟾光生水漾
金盤。去年今夕人何在。別是天涯一度歡。
鳳城秋意灑清寒。月色亭臺坐夜闌。對酒莫教珠箔
揜。倚欄還共玉人看。光連南極添璀璨。白滿西山見
鬱盤。却憶塞垣留戍者。風笳霜笛幾人歡。

季秋 陵祀

陵寢冥冥王氣通。幽藏弓劍七陵同。松杉瑞霧
天外蘋藻明。裡王露中象衛。帝靈懸紫極。龍盤
嶂抱玄宮。禮臣趨享。瞻依切不盡。悲涼落葉風。

陵祀畢夜還昌平兼懷石潭紫巘二學士

禮成尊俎徹玄庭。鵷鷺迴翔下紫冥。五夜冠裳侵皓
露。四郊燈火散繁星。天瞻瀛海光微曙。路繞蓬山色
漸青。憶昔連鑣雙學士。往來風景此曾經。

送朱德承令海門時方改邑

華國才名擅漢陽。暫勞朱邑令桐鄉。封章遙捧丹書
下。仙履冥飛碧海長。築堵好思鴻鴈集。奏功還看鳳

鸞翔明年莫惜雙魚報新種桑榆幾尺強

予嘗與張嵩少兩行鄖山悵別有懷

不見南溟十載餘天涯何惜寄雙魚江頭見柳春魂
斷枕上逢君夜夢虛曾共楚雲招鶴馭更衝鄖雨度
熊車浪傳龍劍離能合尊酒何時一慰予

崔東洲集卷之七

